

Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.516/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.516/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.516/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL 1.6.516/a

V A N A M E S S E
ASTROLOGIAM

MEDICO PLANE INDIGNAM.

O R A T I O.

HABITA IN ARCHI-LYCEO PATAVINO,

DIE III. NOVEMBRIS, MDC LXXX.

A CAROLO PATINO

EQUITE D. MARCI, DOCT. MEDICO PARIS.

PRIMARIO PRACTICÆ EXTR. PROFESSORE.



P A T A V I I. M D C X C.

Typis Seminarii Patavini.

SUPERIORUM PERMISSU.

SERENISSIMO PRINCIPI
FRANCISCO MAUROCENO
VENETIARUM DUCI, &c.



Otiore sit dignitas tua, aut virtus tua, cum ipsi haberent tantarum quas gessisti rerum, præclarissimorum facinorum testes & coævi, ut quæ viderint quæ audiverint, ab uno patrata fuisse, vix capiant, Posteris obscurius fore mihi dubium est, Serenissime Princeps. Te enim etsi ad dignitatum Venetarum culmen evexerit publica sapientia, sublimiori Te censebant dignissimum, quem ut de Themistocle narrat Plutarchus, *puerum ardore animi plenum, indole sapientem, ad res magnas propensum, natumque ad Rempublicam tractandam* singuli cognoverunt. Aristobulæ Dianæ ædem ille erexerat, quod bonum consilium sibi omnibusque Græcis adversus Barbaros dedisset, pusillamque sui statuem in eodem fano collocaverat, post multa sæcula ibidem cultam. Quales ipse promereris ædes & statuas, Serenissime Princeps, qui majora mirabilioraque perfecisti, qui ARISTOBULI & ALEXICACI cognomina meliori titulo quàm vana Gentium numina, mente & manu adeptus es.

Sed quò me rapit mea Tui admiratio, ad solium usque tuum me deduxit, & incautum prorsus Tuæ Serenitati objecit. Animo non dejiciat, Persam illum imitaturus Imperatori suo guttulas aquæ manibus contentas offerentem, quibus majestatem Regis Regum venerarerur. Immensum erga Te obsequium levi donario testificari fas sit, quo me tuæ benignitati tuo patrocinio addictum nuncupatumque esse censeas.

Diu te servet Deus O. M. Serenissime Princeps, quo consulente quo dirigente ut olim præliante, felix fausta fortunataque perennet Respublica Veneta.

Patavii, Id. Nov. MDCLXXX.

Illustrissime & Generosissime Prosyndice &c.

Felicitatem seu omnium rerum exoptandarum plenitudinem, humani generis imbecillitas, hoc hodie cupientis, cras prohibentis, mutantis ac sæpè nutantis, nec unquam in proposita cupiditate constantis, assequi vetat. Illam cælo locaverant Ethnici, quam tamen non Deam, sed donum Dei ab omnibus ambitum interpretatus est divinam civitatem astruens D. Augustinus. Quid, obsecro, Principes mover, orbisne Rectores dicam, ad tot exantlandos labores, ad tot aggredienda facinora, præter conceptam illam Felicitatis spem, summè desideratæ? Quid cuiusque regionis, sexus, aut conditionis homines? Sed ut me contineam, quid Venetos Imperatores nostros impellit ad ingens gravissimumque quod inferunt barbaris bellum? An thesauro- rum cupiditas, qualis in Cyro notata est? An vesana ambitio quæ nul- lum præter se regnare permisit Alexandro? an furor evertendi Rempu- blicam, qui Jul Cæsarem tot civilibus bellis implicuit, tandemque ne- ca- vit? Id profectò unus livor malignè obloquens affirmaret. Solum illud Dei donum aucupatus est Serenils. Franciscus Maurocenus, quo felicitatem Sibi patriæque assereret. Turcas ferocissimos æquè ac potentissimos hostes sæpè adolescens fudit fugavitque, tandem oræ maritimæ arces aut disiecit aut occupavit, utrumque Græciæ ocellum liberavit, maris im- perium vindicavit, Peloponnesum recuperavit, non minori sanctitate, quàm fortitudine πολλὰ καὶ λαμπρὰ πεπραγμένα omnia patravit: Donec Ser. Respublica gestarum egregiè rerum assidua præmiatrix, absentem præsen- tibus multis emeritis Proceribus prætulerit, & vacanti Ducali sedi læta imposuerit. Sic danti accipientique Felicitas nobiliter exurgit. Illa in- gens grati animi testimonium cunctis hominibus præbuit, hic suscepto- rum laborum præmium sustinet, & ut novus Atlas, aliis Herculis sua munia obeunda decernit. Nonne hæc utcumque Felicitas Venetum, nomen pacis bellique temporibus admirabile facit, & ad sidera evehit? Æternùm illa duret, & venturis retrò sæculis dubium maneat, an for- tissimo Mauroceno Respublica omnium sapientissima plura contulerit, quàm illa a tanto Heroe acceperit.

At dum Dei O. M. manus, Serenissimæ nimirum Respublicæ providen- tiam adoramus, officii nostri memores, non secus ac formicæ pro hiber- no tempore fruges æstate colligentes, aut apes alveolos rore melleque stipantes, ea persequi conabimur, quæ ad publicum bonum conferentia, nostram liberabunt conscientiam, nobilissimos Auditores recreabunt, & munificentissimum Principem novo obsequio venerabuntur.

In exornanda quam suscepimus disciplina, duo nobis præstanda suadet Pythagoras, alterum ut a morbis corpora liberemus, quod medicum est; alterum ut animi vitia erroresque depellamus, quod philosophum: Ὅτ' περ ὃ ἰατρικὸς δὲν ὀφείλει, μὴ τὰς νύκτας καθάλαττος ἀπὸ τοῦ σωματικῶν, ὅπως ἐστὶ φιλοσοφίας, εἰ μὴ τὸ τῆς ψυχῆς κακὸν ἐκβάλῃ. Primo exequendo totum anni decursum concedere mens est, alteri hodiernam exercitationem, magni hoc sæculo momenti, quo Veterum deliramenta renasci videntur; ut non pauci, præter multos nebulones, eruditi Viri, gloriæ sibi ducant tum inventis addere, tum sanctæ philosophiæ populo, ineptissima vanissi- maque theoremata intrudere: Astrologiam investigare cupimus, ejusque

vanitatem ob oculos ponere; ne quisquam ex nostris Auditoribus φιλα-
πρόως, neglectâ quam profiteri cupiunt sapientia, illius illecebris verius
lenociniis capiatur; ne tempus severioribus studiis condonandum, temerariæ
inutilissimæ atque detestandæ occupationi tradatur.

Ab ejus nomine ducamus initium, quod pudor esset cum Astronomia
confundi, & simulatâ sororum affinitate permisceri: Astra licet utrique
nomen dederint, & νόμος atque λόγος vocum ἐμονιμία differentiam le-
vem constituere videantur, aliter se res habet, cum maximum inter ipsas
versetur discrimen, quantum pudicam inter virginem & concubinam,
hominem & simiam; Non secus ac inter Alcmene filios, quorum alter
a Jove, alter ab homine prognatus erat: Astronomiam enim nullum est
dubium, hominibus a Deo per Adamum & Salomonem unâ cum præ-
stantissimis disciplinis transmissam: Astrologiam verò ab ineptis aut falla-
cibus hominibus, ne cum D. Augustino dicam, unâ cum magia ab ipso inven-
tam Dæmone: Sed ne lis occurrat in limine, ob Autores promiscuè istis
vocibus utentes, quod menti inhæret nostræ manifestissimè declarabimus.

Astronomia pars sit Matheseos nobilissima, tantum super cæteras emi-
nens quantum astra super sublunaria, quantum inter viburna cupressi:
Cælos speculetur, astraque ipsis imposita: De eorum numero, situ at-
que motu philosophetur; Dierum, mensium, & annorum tempora inve-
stiget, Eclipses Solis Lunæque doceat, innumeraque tum ad declaran-
dam Creatoris gloriam, cum ad capeßenda maxima humani generis com-
moda, Medicis, Agricolis, Nautis, atque ipsis Imperatoribus notissima.
Astrologiam verò simili ferè nomine cohonestatam dixerunt artem quæ
virtutes & operationes stellarum considerat, atque ex earum situ & mo-
tu per omnis generis mutationes, quas per radiorum ejaculationem in
corpora elementaria inferunt; omnia conjicit & prædicat. Absit contra
primam quidquam fari, Philosophis omnibus acceptissimam, mihi imprimis
dilectissimam: At alteram aut vituperare aut damnare satis nequeo,
incertam, vanam, ac falsam, Medicis & quibuslibet cordatis solertibus-
que viris indignissimam.

Hujus tamen antiquitatem jactant, quæ a Chaldæis, Ægyptiisque &
Phœnicibus inventa ad Græcos primum pervenerit, deinde ad Romanos,
cæterosque Europæ, Asiæ & Africæ populos, eâ summè oblectatos. At
quantum fallantur, docet magnus Scaliger in præfat. Manilii: Iphis litte-
rulis carebant Ægyptii, inquit, quas ex Arabibus emendicaverunt,
Græci è contra litteras a Cadmo didicerunt; medicinam universamque
philosophiam invenerunt ac perfecerunt; adducto in testimonium Hip-
pocrate, scriptore antiquissimo, qui nobis bonorum omnium autor ex-
stitit, inquit Galenus l. de præcogn. ad Post. & ob summam eruditionem ac
sapientiam divinus etiam a D. Augustino nuncupatus fuerit; Eò tandem
litterariæ gloriæ Έλλως evecti sunt, ut Musarum hospites, Parnassi Agan-
nipidisque Domini, & artium & ingenuarum disciplinarum dispensatores
coli meruerint: *Græcis ingenium, Graus dedit ore rotundo Musa loqui.*

Negandum non est Chaldæos Astrologiæ notitiam priores habuisse, sed
rudem & valdè imperfectam παχυτέρα Μάτη, accuratam Græci tenuerunt,
ἀκρίβη, qui tempestatum significationes ad arandum & ferendum noverant:
Caniculæ ortum observarunt, & ex iis frugum proventum aliaque opti-
ma concluderunt. Maximam deinde constat fuisse Chaldæorum insaniam
quæ ἀποτελέσμεν finxit, & futurorum divinationem quam damnamus,
promittit. Ridiculum prætereà foret inutilem disciplinam ob solam an-
tiquitatem colere.

No

Non minus esset absurdum eandem invitis melioris notæ Philosophis tueri, cujus hostes se declaraverant Pythagoras, Democritus, Phavorinus: Cicero, Senecaque validissimis suis rationibus ironiam sæpè ridentes adjecerunt. Epicurus, Plato, Aristoteles, philosophicarum sectarum Principes, summa contemptione ne verbum quidem protulerunt, quod Astrologiam redoleret, tametsi cælestia corpora ingenti cum animi contentione indagaverint. Alex. Aphrodisæus Fati rejicit necessitatem: Averrhoes ubique Astrologiam lacerat, damnat, insectatur: Avicenna Astrologorum dogmata falsa esse convincit, & philosophiæ contraria. Plotinus primæ inter Platonicos autoritatis, cum diligentem operam Astrologiæ dedisset, comperissetque artis vanitatem, falsitatemque prædictionum, omnem Astrologis fidem abrogavit, eorumque dogmata risit & confutavit. *Sapientissimi quique Gentilium*, inquit Vossius, *de idol. artem hanc non artem putarunt, sed imposturam, eique credulos damnarunt demeritis.*

Quid de his sentiat Jurisprudentia, paucis investigemus. Astrologorum artem interdicti, ut abominabilem, vetatque Justinianus ne quis sub capitis pœna Mathematicum consulat, ejusdemque culpæ affines esse jubet & qui docent & qui addiscunt. *Sileat omnibus perpetuo divinandi curiositas*, inquit Imperator, Tit. 18 l. 9. cod. §. 5. & §. 7. *Si quis Magus aut aruspex, aut ariolus, aut certè augur vel mathematicus, aut enarrandis somniis occultans artem aliquam divinandi, præsido dignitatis exutus, cruciatus & tormenta non fugiat.* Certè eos saxo sæpè dejectos fuisse autor est Tacitus, & sub Tiberio, Vitellio, Diocletiano, Constantino, Gratiano, & Theodosio, deferere artem vel pendere pœnas improbi ærulatores coacti sunt.

Sexcentas Jurisconsultorum autoritates argumento huic firmando adjicere possem, quibus ut summi ponderis, sacras aliquot præferemus: *Non augurabimini, nec observabitis somnia*: Levit. c. 19. & *Non inveniat qui ariolos sciscitatur & observet somnia atque auguria*. Deuter. c. 18. Ita loquitur apud Isaiam summus Creator cap. 44. *Ego sum Dominus irrita faciens signa Divinorum, & hariolos in furorem vertens, convertens sapientes reirorsum.* Quid responderent Salomoni, *Homo ignorat præterita, & futura nullo scire potest nuntio.* Divus Basilus Astrologiam esse occupatissimam vanitatem asseruit: D. Ambrosius inutilem & impossibilem: D. Chrysostomus falsam & ridiculam: Epiphanius, Theodoretus, Tertullianus, Lactantius, aliique apostolici Viri, majoribus conviciis Astrologiam affecerunt, ut Div. Hieronymus reliquas idololatriæ esse affirmaret, futurorum eventa ex stellarum cursu rimari. Elegans est illud Basilii argumentum, *ridiculum esse Astrologis contradicere cum eorum dicta sint ignorantia & impietatis plenissima.* Sufficerent ista pertinacioribus Astrologiæ vindicibus, at si Christianos se fateantur, liberè audiant Martini P. M. Synodum damnantem Signorum observationem atque fallaciam pro domo facienda conjugisque sociandis. Audiant Gregorii excommunicationes contra Auruspices & Astologos. Audiant & concilium Toletanum *Si quis Astrologiæ vel mathesi existimat esse credendum; anathema sit.* Idem ferè Concilium Bracarense can. 8. & 9. his verbis *Si quis animas & corpora humana fatalibus stellis credit astringi, sicut Pagani & Priscillianus dixerunt, anathema sit.* Ne tamen solis autoritatibus niti videamur, adversæ partis vires explanabimus & expugnabimus.

Spiritus Sanctus, inquiunt Genethliaci, docet lib. 1. Gen. *Stellas esse in signa & tempora, & dies & annos*; indicant itaque quod futurum erit; illud autem a doctis hominibus potest prævideri, sicque Astrologia decursu temporum constituta est. Id ita interpretatus est Origenes, ut scilicet per varios siderum aspectus & conjunctiones, humanarum rerum even-

tus

70

tus judicarentur. Verum diversissimus est illius loci sensus, ut ex D. Augustino constat. Dicuntur enim stellæ in signa & tempora, quasi in signa temporum. Nimirum motus Astrorum, præsertim Solis & Lunæ, definiunt tempora: Sic dies est circulus solaris; hora, pars ejus circuitionis XXIV. Annus, motus est integer Solis, per XII. Zodiaci signa quas Astrologi *ἡσυχασμῶν* nuncupant: Mensis motus Solis per unicum Zodiaci signum, aut motus Lunæ per totum Zodiacum: Est etiam Solis motus ad distinctionem temporum, seu tempestatum, quia ab æquinoctiali circulo ad solstitium brumale seu tropicum Capricorni tendens, & inde ad æquinoctium rediens, atque postea ad solstitium vernale seu tropicum Cancræ perveniens, tandemque iterum ad æquinoctium accedens, quatuor anni tempora determinat, *ῥέσσυες τῶ ἐναντῆ ῥέσσυος*. Vel dicuntur esse in signa, non illa quæ observare sit vanitatis, sed utilitatis, quibus Nautæ utuntur in gubernando, Agricollæ in serendo, & Medici in medendo: Has enim prænotiones dici volumus, quas & ipse Cicero *divinationes* nuncupari nullo modo permisit, l. 2. de *Divinat.*

Alterius arietis vires perpendamus: *Astrologi*, inquiunt, *mirabiliter multa vera respondent*, ex D. Augustino l. 5. cap. 7. ut æquiparentur Jovi, qui eventura prævident & pronuntiant. Julio Cæsari prædictum fuit ab Astrologo, ut sibi caveret ab idibus Martiis, quibus postea ab ultimis Romanorum necatus est. Nigidius Augur nato dominium orbis terrarum statim prædixit, quem Theogenes mathematicus adoravit inspectâ Capricorni geniturâ. Othoni nondum Imp. Seleucus mathematicus superstitem Neroni & brevi imperaturum promisit, quodquidem mox evenit.

Celebres alias ejusmodi prædictiones veras taceamus: At cum multa prænunciant Astrologi, casu ex iis aliquod evenit: Quatuor tali jacti, casu tandem venereum efficiunt: Asperia temerè pigmenta in tabula, oris lineamenta possunt effingere: Equidem necesse est aliquando collimet qui frequenter jaculatur. Falsa Astrologorum responsa pauci commemorant, vera celebrantur pro admirabilibus; Quam pauca hæc sunt, refert Phavorinus apud Agellium, ut omnia quæ temerè aut astutè vera dicunt præ cæteris quæ mentuntur, pars millesima non sit: Quoniam autem quæ falso dicunt, plerumque silentio involvuntur, ac quæ verè licet casu, in vulgus hominumque sermonem dimanant; Inde fit ut apud imperitos divinare existimetur. Lepidè inquebat Cicero cur Cassandra furens futura prospiciebat; Priamus sapiens hoc idem facere non queat. Quàm amo sagacem illum medicum Astrologiæ judiciaræ pericillimum, a D. Augustino laudatum, Confels. l. 4. c. 3. qui eam detestabatur, ipsamque Augustinum paternè admonuit, Genethliacorum libros abjicere, ne suam operam rebus utilibus necessariam, illi vanitati frustra impenderet, cui olim vicini suo consulens, & Hippocratem non intelligens, tempus concesserat: Et cum eum ab illius scientiæ studio deterreret, interrogasse qui fieret ut tam multa inde vera pronunciarentur, respondisse, vim sortis hoc facere in rerum natura, usquequaque diffusam.

Emolumenta maxima ex prædictionibus oriri affirmant Astrologi, tum ut actiones nostras felici die, felici hora, felicique momento auspiciemur feliciter ita successuras; tum ut si ex prædictionibus infelices futuræ sint, illis abstineamus. Eventus itaque actionis, ut prælii, navigationis, matrimonii, fabricæ, pendebit a momento, momento enim fluunt sidera, ut sequenti alia sit constellatio. Nasci momento hominem asserere non audent, qui sæpè lentum habet ab utero exitum, ac nunquam momentaneum: Frustra deinde conceptionis momentum interPELLARETUR, quæ neque momento absolvitur, neque sciri potest, nulla itaque utilitas

ex

ex ejusmodi indagatione exurgeret. Quid vanius inde horoscopo *παρὰ τὸ σκοπεῖν τὰς ὥρας*, quem ingeniosè *genitalem notationem* nuncupavere, ex *horæ inspectione* quâ quisque nascitur: Utquæ fictæ sunt de geminis prædictiones uno impetu cadere necesse sit. Stolidissimè igitur atque impudentissimè eligendam esse horam asserunt, auspicandæ actioni quam felicem auguraverunt.

Inde frivolum nuncupat Haly interpretes Ptolemæi hanc Astrologiæ partem quæ est de electionibus. Jam illud quis feret, exclamat D. Augustinus de civ. Dei lib. 5. c. 7. quod in eligendis diebus nova quadam suis actibus fata moluntur? non erat videlicet ille natus ut haberet admirabilem filium, sed ita potius ut contemptibilem gigneret: & ideo Vir doctus eligit horam qua misceretur uxori. Fecit ergo fatum quod non habebat, & ex ipsius fato cæpi esse fatale quod in ejus nativitate non fecerat. Ostultitiam singularem, eligitur dies, ut ducatur uxor, Ubi est ergo quod nascenti jam sidera decreverunt? An potest homo, quod ei jam constitutum est, dici electione mutare? Tantæ autoritatis sunt hæc verba, ut mihi sufficiant insinuandæ nostræ conclusioni, horoscopi notati artem esse nullam.

Indos Reges nihil aggredi nisi consultis Astrologis novimus, sed inter barbarorum mores, philosophicaque dogmata, quantum interest? Felicius ne deinde illi suis votis potiuntur? Nullos vidi rerum magis egenos, inquit Picus Mirandulæ Princeps, quàm qui Astrologia se devoverunt? Quis Zoroastre infelicior, quis Pompejo, utroque divinatorum amantissimo? Quâlis è contra felicitas contigit Julio Cæsari & Justiniano Imp. Romanis, isti Astrologorum derisori, huic exterminatori? Scribit Cicero, l. 2. de divin. Quam multa & Pompejo & Crasso & Cæsari a Chaldeis prædicta; neminem eorum nisi senectute, nisi domi, nisi cum claritate esse moriturum, qui tamen omnes ante diem & violenta manu periêre. Certe si quis de rebus ad valetudinem pertinentibus Astrologi quàm Medici judicio se committeret, insaniz poenas daret, plura patiturus ex Angina aut Pleuritide, quàm ex Martis aut Saturni dominatu, ex causis proximis & manifestis, quàm remotissimis, imò nullis: Si quis contractæ virulentiz causam investigaret, nonne brevius tutiusque sibi consulere, ædículas quas percurrerit perpendere, quàm sextam cæli domum insulse Veneri dicatam, arguere.

Stellas omnes asserunt efficaces esse calore, lumine, motu & influentia, quâ ultimè intelligunt occultam vim quæ non cernitur oculis, sed sentitur, ut qui domi latet, vim tamen Plenilunii & Novilunii persentiat: Quamvis concessio siderum influxu, nil proinde sequeretur, ob hujus infirmitatem & illorum distantiam: Absolutè tandem ejusmodi influentias negando, illasque ad virtutes physicas reducendo, planè corruebat quod fallacibus paralogismis adstruere contendebant: O acutos homines! Ea sumunt ad concludendum, quorum nihil illis conceditur, inquit Cicero. Hinc Chaldæorum sapientia telæ araneæ comparatur, in quam si culx aut musca inciderit, vix ab ea exerere se poterit, potentia verò animantia laqueos rumpent: in his herent infirmi, validiores elabuntur, inquit D. Ambrosius, l. 4. Si deinde virtutes inessent sideribus, pro more cælestium corporum, universales esse deberent, huic quam illi non magis felices aut infastæ, ut quadrati vel oppositi sideris vires æqualiter sentierint diversissimi homines in una nave demersi, aut in uno prælio necati. Potrò singularissima divinantur, asseruntur & conscia fati sidera censentur ac prædicantur: Ut quælibet provinciæ, quælibet humani corporis partes, quæ ibet actiones suorum planetarum dominio subjaceant; quod planè ridiculum. Cui luna, inquam, pessimè posita est, voluptatem in vita nunquam sentiet, vel cui Luna & Saturnus, miseriam non effu-


effugiet: Saturnus & Mars magna etiam conciliant infortunia, & imprimis turpem egestatem. Venus Marti copulata nos vocat ad adulteria. Mars cœli nonam partem occupans facit irreligiosus, vel Sol cū Saturnum & Mercurium in undecima domo aspicit virum sine liberis moriturum efficit. Cui oculus tauri adest in capite ascendens, sicarius erit, violenter & sub carnifice morietur. Quis probaret Albumalaris inter Astrologos maximi nominis superstitionum consilium? Qui Luna Jovi conjuncta cum capite draconis Deo supplicaverit, impetraturum ab ipso quicquid petierit, Non ergo cordis pietati, sed siderum positioni Dei benigne concederentur, postulata? O mirabiles ne dicam stultissimos homines & impudentissimos! *Ipsis consulerem*, inquit Picus Mirandulanus, ut postquam illis Jupiter ita favens est, tantum sibi, unæ felicitis horæ supplicatione, divitiarum compararent, ut nostris post hac pecuniis nihil indigentes, desinerent aliquando mentes imperitorum tot quotidie mendaciis, emungenda pecuniæ gratia ludificare. Sic olim cantavit Accius: Nihil credo auguribus qui aures verbis divitant alienas, suas ut auro locupletent domus. Audiamus iterum Hipponensem Episcopum. Illi verò qui positionem stellarum quodammodo decernentium potestatem habere affirmant, magnam Deo faciunt injuriam, in cujus velut clarissimo senatu ac splendidissima curia, opinantur scelera facienda decerni. Quomodo efficaces essent viresque influerent res planè imaginariæ, aspectus, ἀνίμω, affinitates, positiones, domus, triangularitates, ipsæque Zodiaci animalia, figmenta planè & non entia, nihil realitatis habentia? Ea tamen felicitatis aut miseriæ parentes censentur, & si Astrologis credamus, quod avertant Dii, erunt causæ primariæ. Quid aliud, caput caudæ draconis, tantum terrorem imperitis incutiens, præter meras intersectiones duorum circulorum, præter duo puncta, eaque commentitia?

Quò speciosius fallerent Planetarii, sic enim sæpè Astrologos Mathematicosque nuncupaverunt Viri sapientes, & ἀνδρῶν singulis Planetis assignaverunt, analogicè & utcumque ingeniosè ipsos designantia. Solem ἀγαθὸν Δαίμονα dixerunt, Bonum Genium; Jovem Νίκην seu Victoriā; Mercurium ἀνάγκην seu necessitatem; Venerem ἔρωτα amorem; Martem πέλινον audaciam; Saturnum Νέμεσιν quasi facinorum ultricem vindictam, Lunamque τύχην Fortunam: Atque ut horoscopus ducerent, voluerunt ad diurnas genituras uti parte Solis, ad nocturnas verò parte Lunæ, ex quorum Planetarum distantia a puncto natali seu horoscopo, prædictiones suas cudebant, apud plebem oraculorum vice receptas.

Hæc fuit illorum philosophia quam malim cum innumeris Sapientibus asserere ambitiosam superstitionem, artem temerariam & chymericam, ut de artificibus taceam, triduo sæpè factis Astrologis, pejus profectò tractandis, si illos investigare satageremus: Patavium vobis exhiberet in obsoniorum foro septennem Astrologam, ad aurem insusurratis per tubulum ineptiis, rusticorum crumenas lepide emungentem: Quis me hercule non rideret? an cachinnos contineret ipse Heracitus? Venetiis sæpè vidimus Astrologum sellæ suæ in platea D. Marci graviter insidentem, ineptos ac imperitos curiosos sua sphaera suo circino ludentem ac fallentem, quem nuper Magnatis coquum ibidem videramus: Sic fieri amat, se de Rhetore consulem, de tyranno pedagogum, de Medico vespillonem, de coquo Astrologum: Sic bellè olim Cicero, Chaldaeorum inventum aut quæstus causâ aut superstitionis, aut erroris, ad nos usque propagatum.

Ab Astrologia itaque abstineant Medici cunctique Sapientes homines, quam a Sancto Spiritu damnatam, Sanctis Patribus, Theologis, Philosophis & Jurisconsultis improbatam & explosam, quamque vanam falsam ac perniciosam judicamus.

D I X I



005644.154

KONSERVIERT DURCH
ÖSTERREICHISCHE FLORENZHILFE
WIEN 1967